

Alkitab kanggo murangkalih
Nyanggakeun

Lahirna Gusti Yesus



Ditulis ku: Edward Hughes
Ilustrasi/juru gambar ku: M. Maillot
Alastair Paterson
Disaluyukeun ku: E. Frischbutter; Sarah S.
Ditarjamahkeun ku: Kurnia Arifin
Diproduksi ku: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2020 Bible for Children, Inc.

Lisensi: Saderek ngagaduhan hak kanggo ngopy atanapi nyetak
carita ieu, salami sanes kanggo tujuan komersil.



Kapungkur Allah ngutus malaikat
Gabriel kahiji parawan anau namina
Maria. Anjeuna nyarios ka Maria
"Anjeun bakal boga anak anu
bakal dijenengan Yesus.
Mantena bakal disebut


Putra Allah
anu Maha
Agung,
Mantena
kawasa
salalamina."




"Kumaha carana?" Maria naros ka malaikat anjeuna heraneun "Abdi teh pan teu acan gaduh caroge." Malaikat nyarios ka Maria, yen eta Murangkalih teh sumpingna ti Allah, sanes ti jalma biasa.



Malaikat oge nyarios ka Maria yen saderekna anu namina Elisabeth oge bakal gaduh putra, sanaos yuswana tos sepuh. Ieu teh mangrupikeun mujijat oge. Teu lami ti harita Maria sumping ka bumi Elisabet, aranjeuna muji Allah sasarengan.



Maria teh tos
tunangan sareng
saurang pameget anu
namina Yusuf. Yusuf
ngemut yen orok
anu dikandung ku
Maria teh pasti
sanes putra
Yusuf, tapi
putra ti
pameget
sanes.



Yusuf ngimpen, dina impenanana malaikat Allah nyarios ka Yusuf yen Orok anu di kandung ku Maria teh nyaeta Putra Allah. Tugas Yusuf nyaeta kedah ngabantosan Maria ngarorok Yesus.



Yusuf percanten, anjeuna taat ka Allah. Anjeuna
oge Taat kana aturan nagara. Kumargi aya aturan
enggal, Yusup sareng Maria kedah angkat
ka kota asal aranjeuna, nyaeta Betlehem,
kanggo mayar pajak.





Maria tos ampir bade
nagalahirkeun. Tapi
Yusuf teu kenging
tempat anu tiasa
dijantenkeun
tempat lahiran
Maria, sadaya
tempat

tos
parinuh.



Yusuf ahirna mendakan kandang sasatoan. Di tempat eta teh Yesus dibabarkeun. Ibuna ngabobokeyun Yesus dina tempat nyatuan sato.



Di caket eta, aya pangangon-pangangon anu nuju
karulem. Malaikat nyumpingan eta
pangangon teras ngadugikeun
warta anu sae pisan.



"Poe ieu geus medal pikeun maraneh di Kota Daud, saurang Juru Salamet, nyaeta Gusti Kristus. Maneh bakal manggihan

aya Orok
anu



diebogkeun dina
pamakanan."



Nuju kitu kaluar malaikat-malaikat anu hurung
cahayaan, muji ka Allah "Mulyakeun
Allah di langit nu pangluhurna, di
bumi sing aya kerta
keur sakur



manusa anu
kamanah ku
Allah."






Pangangon-pangangon teh teras wae ka kandang eta. Saatos ningal Orok Yesus, aranjeuna masihan terang ka unggal jalmi anu papendak sareng aranjeuna, naon-naon anu di saurkeun ku Malaikat ngeunaan Yesus.



Opat puluh poe ti harita, Yusuf sareng Maria nyandak Yesus ka Bait Allah di Yerusalem.

Didinya teh aya saurang jalmi anu namina Simeon.







Simeon muji ka Allah waktos ningal Yesus, aya oge anu namina Anna, saurang badega Gusti, Anna oge ngucap syukur waktos ningal Orok Yesus.


Duanana terangeun yen Yesus teh Putra Gusti Juru Salamet anu tos dijangjikeun.



Yusuf masihan kurban 2 japati.
Kurban ieu mangrupikeun hukum
Allah anu nyebatkeun yen
jalmi teu gaduh mah
kedah nyandak japati
waktos masrahkeun
putrana di
bait Allah.




Sababaraha waktos ti harita, aya bentang anu hurung cahayaan di belah wetan.




Bentang eta teh janten pitunjuk ka urang Majus waktos aranjeuna milari Yesus ka Yerusalem. "Dimana Raja urang Yahudi anu nembe dibabarkeun teh?"



Raja Herodes nguping
wartos ngeunaan
urang Majus tea, Raja
Herodes reuwaseun
pisan, enjeuna
miwarang ka urang
Majus sangkan
masihan terang ka
Raja upami tos
mendakan
Yesus.



"Kaula oge hayang
muji Anjeuna" saur
raja Herodes teh.
Tapi Raja Herodes
teh bohong, padahal
mah Raja Herodes teh
bade maehan Yesus.




Bentang anu aya dibelah wetan tea teh
nunjukeun ka hiji tempat nyaeta bumina

Yusuf sareng Maria, sepuhna


Yesus. Urang Majus teras

nyarembah, maruji, teras


Yesus dipasih an hadiah
nyaeta emas,
sareng minyak
seungit.



Allah ngemutkeun ka
urang Majus sangkan
mun uih teh ulah
wawartos kasasaha.
Herodes ambekeun
pisan.



Herodes ngagaduhan tekad
kudu maehan Yesus, raja
anu bengis eta teh ahirna
maehan sakabeh orok
anu aya di Betlehem.






Tapi Herodes teu tiasa
ngaraheutan Yesus,
kumargi di emutkeun
dina impenan, Yusup
nyandak Maria sareng
Yesus ka tempat
anu aman nyaeta
di Mesir.



Waktos raja
Hererodes
maot,



yusup
nyandak deui Maria
sareng Yesus kaluar ti Mesir.
Aranjeuna hirup di kota alit anu namina
Nazareth anu caket sareng danau Galilea.



Lahirna Gusti Yesus


Carita tina Dawuhan Gusti, Alkitab

Kenging ti


Mateus 1-2; Lukas 1-2

"Ngawitan bubukana Dawuhan Gusti anu
masihan Caang." Psalm 119:130





36



60



Kisah Kitab Suci/Alkitab ieu nyarioskeun kasaean Gusti anu tos ngajantenkeun urang, sareng anu mikahoyong sangkan urang tiasa wanoh ka Anjeuna.

Gusti uningaen yen urang teh tos seueur milampah kasalahan, anu ku Mantena disebut dosa. Hukuman akibat tina dosa teh nyaeta pati, tapi Gusti Allah kacida mikanyaah Saderek dugika ngutus Putrana Yesus, kanggo pupus dina kai palang teras dihukum kumargi sagala dosa Saderek. Teras Yesus gugah deui sareng diangkat ka sawarga! Upami Saderek percanten ka Yesus tur neneda ka Anjeuna supados ngahampura sagala dosa Saderek, Anjeuna baris ngalaksanakeun panuhun Saderek eta! Anjeuna bakal sumping sareng linggih di lebet Saderek ayeuna keneh oge, tur Saderek bakal sasarengan sareng Anjeuna salalamina.

Upami Saderek percanten yen ieu sadaya teh hiji bebeneran, saurkeun ka Gusti sapertos kieu:

Nun Yesus, abdi percanten yen Anjeun teh Gusti, anu mijalma janten manusa tur pupus kanggo sagala dosa abdi, ayeuna Anjeun hirup deui. Sumangga sumping dina kahirupan sim abdi, hapunten sagala dosa abdi, supados abdi tiasa ngengingkeun hirup anu anyar, tur engke dina hiji waktos bakal sasarengan sareng Anjeun salalamina. Tuyun sim abdi supados taat mung ka Anjeun, teras abdi tiasa hirup kanggo Anjeun, salaku Putra Gusti, Amin.

Aos Kitab Suci sareng teras cumarios ka Gusti unggal dinten! Yohanes 3:16

